

## Öryggis, heilsu- og vinnuverndarstefna

### 1. Inngangur

Öryggis-, heilsu og vinnuverndarstefna Landsvirkjunar (ÖHV-stefna) byggir á öryggismenningu og vinnuumhverfi sem tryggir vellíðan á vinnustað. Markmið er starfsemi án atvika sem valda varanlegum skaða. Stefnan er sett af stjórn Landsvirkjunar að fenginni tillögu frá forstjóra fyrirtækisins.

### 2. Gildissvið

Stefnan gildir fyrir alla starfsemi Landsvirkjunar.

### 3. Hugtakaskilgreiningar

- ÖHV: Öryggis-, heilsu- og vinnuvernd.
- Sjálfbær öryggismenning: Öryggismenning þar sem öll þau stjórnunarkerfi og ferli sem notuð eru til að koma auga á, greina og stýra áhættu eru alltaf í notkun og allir starfsmenn taka ábyrgð og sýna frumkvæði.
- Hætta: Háski eða ógn sem getur valdið tjóni eða skaða.
- Áhætta: Hugtak sem lýsir alvarleika mögulegrar hættu og líkum á því að einhver verði fyrir hættunni.
- Áhættumat: Kerfisbundin greining og flokkun hættu (áhættuþátt), með tilliti til alvarleika, á vinnustaðnum.

### 4. ÖHV-stefna

Það er stefna Landsvirkjunar að til staðar sé sjálfbær öryggismenning sem byggir á gildum, samskiptum og hegðun starfsfólks á vinnustað.

- Líkamlegar og sálfelagslegar hættur greindar, áhættur metnar og stýringar innleiddar með forvarnir og stöðugar umbætur að leiðarljósi.
- Starfsemi án atvika sem leiða til varanlegs skaða hjá starfsfólki.
- Starfsemi stuðlar að vellíðan á vinnustað.
- Ábyrgð stjórnenda skýr og starfsmenn vita að öryggi þeirra hefur ávallt forgang.
- Hlíting við opinberar kröfur sem snerta málaflokkinn.
- Opin og heiðarleg samskipti og samráð við innri og ytri hagsmunaaðila um málaflokkinn.

### 5. Innleiðing, mælikvarðar og upplýsingagjöf

#### 5.1. Innleiðing

Forstjóri ber ábyrgð gagnvart stjórn á innleiðingu ÖHV-stefnu.

Innleiðing ÖHV-stefnu er í samræmi við alþjóðlega öryggisstjórnunarstaðalinn ISO 45001. Við innleiðingu stefnunnar er lögð áhersla á samráð og samvinnu við starfsfólk Landsvirkjunar, öryggisnefnd hennar og neyðarstjórn.



## Öryggis, heilsu- og vinnuverndarstefna

Unnið er að forvörnum með gerð áhættumats og settar árlegar áætlanir til að tryggja heildstætt og markvisst vinnuverndarstarf. Aðbúnaður á vinnustað miðar að því að viðhalda góðri heilsu og vellíðan starfsmanna og starfsfólki er tryggð nauðsynleg þjálfun í öryggismálum og vinnuvernd.

### 5.2. Mælikvarðar

Mælikvarðar sem notaðir eru við að meta árangur innleiðingar:

- H-200; talan mælir fjarveruslys/200.000 vinnustundir fyrir starfsfólk Landsvirkjunar. Markmiðið á hverju ári er að H-200 = 0.
- H-200; talan mælir fjarveruslys/200.000 vinnustundir fyrir verktaka í framkvæmda- og endurbótaverkefnum Landsvirkjunar. Markmiðið á hverju ári er að H-200 sé 0.
- Veikindadagar starfsfólks Landsvirkjunar sem hlutfall (%) af unnum vinnustundum. Markmiðið er að hlutfall sé undir 3%.

### 5.3. Upplýsingagjöf

Mælikvarði fjarveruslysa er einn af lykilmælikvörðum fyrirtækisins og er því birtur í mánaðarskýrslu stjórnar og á ytri vef. Árangur og virkni ÖHV-stefnu er rýnt heildstætt árlega í framkvæmdastjórn og rætt í öryggisnefnd. Tölfræði og almenn samantekt er gerð fyrir alla starfsmenn og birt á innri samskiptamiðli fyrirtækisins. Önnur upplýsingagjöf til starfsmanna sem tengjast ÖHV-málum fer fram í gegnum samskiptamiðla fyrirtækisins og á starfsmannafundum eftir því sem við á.

## 6. Endurskoðun

Stjórn Landsvirkjunar endurskoðar stefnu þessa eigi sjaldnar en þriðja hvert ár.

## 7. Gildistaka

Stefna þessi gildir frá og með staðfestingu stjórnar.

19. mars 2021

Stjórn Landsvirkjunar

Fóral þáð Guðmundur  
Alfreður Ingadóttir  
Guðrún Þórunn.  
Guðrún. Guðrún  
Guðrún Hilt -